

南 閩

倫
敦
會
基
督
教



溯自馬禮遜君、于一八〇七年、重洋東渡、開始來華傳教、至中英訂立江寧條約、凡三十五載、多數教士阻于海禁、未能接踵來華、不得不株守南洋羣島、坐待時機、泊五口開埠、遂乘機而進。查廈門于一八四二年、美之歸正教、捷足先登。一八四四年、英之倫敦會、魚貫而入。再次則有英之長老會、奔殿其後。先後並立、鼎足而三、廈門傳教工作、爰有三差會之發起人矣。一九一二年、閩南倫敦會部省議會、有人建議我倫敦會在廈門一屬傳教、已近七十年之歷史、尙未纂修史乘、誠恐年湮代遠、事過境遷、泯滅無聞、殊爲可惜、亟須派人纂集、以垂後世、省議會同心贊成、旋即公推老牧林貞會、擔任總編輯員、以其老成練達、多見多聞、洵勝任也。一

閩南倫敦會基督教史（一）序

九一三年冬、省議會林牧提議、廈門倫敦公會、分爲五帶議會、南北東西、界線頗長、由廈門而泉漳龍汀、地方縱橫、相去千有餘里、一人之耳目難周、未免有鞭長莫及之憾、尙須通力合作、允爲事半功倍、遂派陳和禮記惠安教史、張金聲記漳州教史、陳良章記北溪教史、周之德記汀州教史、林貞會記廈門教史、各以見聞所及、集腋成裘、易於編輯也。一九一四年省議會、除廈門惠安汀州呈覆外、漳州北溪二帶、尙未編修成帙、固有阻滯於付梓時期、時老牧林貞會以年逾古稀、不能久待、而且迫於盡程、堅請改派專員、繼續負責、省議會公舉周之德擔負專責、彙集編修、原擬三帶史料、刪繁就簡、先行付印、無如延宕數年、未克兼收並蓄、一鼓成功。這一九二〇年、廈門三公會聯合爲閩南大會、因以總會省議會修輯

教史事功、完全移交大會負責、仍派原委編修、迄今忽忽又十二年矣。原派人許聲炎周之德、以各教會史料、間有尙未彙集前來、深爲遺憾、復經大會添派劉向榮李定祥陳梓材等、協全搜集倫敦會部於漳區惠區所未完備者、用增篇幅、卑得圓滿翔實、垂諸永久、既據所知、彙集加入、去年大會聚集泉城、確定應盡今年結束付梓、俾得早日觀成、因就所得者、彙集編纂既竟、爰泚筆誌其崖末云。

主歷一九三三年二月五日周之德重序于鼓浪嶼舊福音堂樓上

閩南倫敦會基督教史（一）

序

聞之、立德立功立言、爲世所稱三不朽者。基督教入我閩南、宣揚上帝至德、納羣倫於真理永生之中、其爲立德也、孰大乎是。凡基督教會建立之區、靡不移其頽風、易其惡習、振危扶困、啓智興文、則其爲立功也、又孰與倫擬。夫立德旣如彼、而立功又如此、使不有立言之教史、以傳後而勵今、則年淹代久、故老無存、雖德功之見於今日者、爲不可泯滅之事實、而當日披荊斬棘之信徒之所冒危難、躬窘迫、以艱難而締造之之苦心孤詣、終不得而稽考、斯不亦缺憾之甚焉者乎。此閩南倫敦會基督教史之所以不容不彙集編修者也。且夫古今史乘夥矣、無一不有關於世道人心學問經濟者、顧或載一代之治忽、或書前人之嘉懿、固足以爲考鏡之資、觀感之助

、然對於真理之光輝、永生之道路、舉無以昭示而羽翼、何如是史之記載、闢鴻濛於天壤、牖瞽瞶於沉淪、射萬丈之光芒、耀昏迷之黝黑、俾凡樂而信之者、得以出死入生、得以歸依十架、而爲天國子民之尤有關於世道人心學問經濟者乎。荀悅曰、立典有五志焉、一曰達道義。文中子曰、古之史也辨道。吾則謂是史之作、有進於道與義、蓋幾於參天人之會、達靈性之微、演盛德之業、而永三代之樞、不朽之三、曾何足云。我同魂之讀者、當亦感發興起、穆然自思、而期所以繼軌前修焉。是爲序。

中華民國二十二年五月五日惠安賀仲禹序於繡鐵盒

跋

國有史、家有乘、所以昭著往古、而策惠來茲者也。倫敦會設教閩南、迄今近百年、其筭路檻縷之事功、至偉且大、又烏可無史乘之記載、以光前裕後、而示帝澤之廣被無涯也哉。日者、周牧之德袖是編過余、且詔之曰、吾子試於公退之餘、一披閱之、當能於此中悟主旨之有在、而資爲身心修養之一助。余喜而敬受之、殫數晝夜之力讀之。作而嘆曰、甚矣哉、帝澤之廣被無涯也、譬之雨水、無擇於川澤澗谿之高下、而當日選民之蒙澤者、又能沛諸心、流諸行、而溢諸四達、其孤詣無前之毅力、至足令人景仰不置焉。用以知澤之爲道、其施於人也廣、而澤之所以爲施、抑有待於蒙澤者之力、天功人亮、此之謂也。故凡吾黨之士、必以有待自期許、然後能

有所立、而五運之收効、於是乎在、獨當日選民歟、獨當日選民歟。至是編文字、取其運筆清順、敘事條達而止、讀者但求諸牝牡驪黃之外、幸勿以三長見責則得矣。

民國二十三年四月九日賀仲禹跋

閩南倫敦會基督教史

版權
所有

中華民國廿三年四月出版

編輯者 惠安周之德

校正者 惠安賀仲禹

出版者 閩南大會

印刷者 育源印刷鑄字公司

代售者 鼓浪嶼聖教書局

每册折價大洋貳角

閩南倫敦會基督教史目錄

廈門屬教史

漳州屬教史

惠安屬教史

北溪屬教史

汀州屬教史

教史概論

閩南倫敦會基督教史

惠安周之德編輯

惠安賀仲禹校正

廈門倫敦會開創之鼻祖

溯閩南倫敦會之開創者、以施約翰牧師爲鼻祖。牧師英之蘇格蘭人也、僑居南洋久。及開廈門已闢爲商埠、乘此絕好機會、急著祖鞭、乘風破浪、直抵廈門、寄居鼓浪嶼、時一八四四年、卽前道光乙巳秋七月也。未幾、遷居廈門寮仔後龍女媽渡頭、因時設教、逐漸進行、厥功甚偉。已而有養君爲霖者至、互相佐理、其效益著。一八四六年、施牧胞兄亞力山大、亦由南洋挈眷來廈、寓寮仔後潮源

閩南倫敦會基督教史

廈門倫敦會開創之鼻祖

宮前。三牧同心同德、計劃經營、廈門倫敦會之有今日、三牧筆路檻樓之賜也。吾人於景仰之餘、不禁穆然興木本水源之思焉。

神詩羅馬字之起源

詠詩者、歌頌上帝之聲、有所感而發于言也。初英長老會牧師賓爲霖、著神詩合選、依律體詩而作、婦孺苦於文字艱深、誦其音不能通其義、有失頌讚之至誠、養君因創作白話詩歌、以祛其蔽、卽養心神詩十三首也。然以我國失學者多、僅用漢字、難期普及、遂與美國歸正教牧師、同編羅馬字、俗稱白話字、法用英文字母、略加改變、共成廿三字母、聯綴切音、凡廈門語言、舉可拚而得之、毫無格格不入之病、無論婦孺、用功一月、可自爲師、或著小說、或寫故事、或作詩歌、均有揮洒自如之樂、始以是譯養心神詩、繼以

是譯新舊約書、目不識丁者、不匝月間、可讀聖經、以究探真理、可工吟詠、以讚美耶穌、其愉快爲何如耶。迄今閩南、台灣、南洋羣島等處、白話字甚爲通行、其裨益誠非淺鮮也。

男女學校之創設

設教傳道、應由人才入手、施牧等有鑒于此、因創設英華學校。其始也生徒十數、宿膳等費、概由施牧亞力山大籌供。上午華教員林景周、梁東圃二君、教授漢文、下午施師母、施女士、教授英文、教養兼施、無微不至。無何、負笈擔簦者、繼踵而至、桃李盈門矣。攷其辦理學務、不獨認真於智育上、而德育上尤加注意。每逢拜五晚、特請長老會牧師賓爲霖蒞校、演講天路歷程、闡發聖經要道、使奉爲金科玉律。諸生中因而悔改皈主者有之、立志願爲傳道者

又有之、而溺於世故者、亦不乏人。雖未廣收美滿效果、而設學傳教、不可謂無裨於事實焉。時歐西文明、尙未輸入、朝野上下、新知未開、女界黑暗、尤達極點。養君與師母、惄然心傷、因起而組織女學校、解放一般巾幗於犴獄之浩劫、俾得共覩文明之曙光、從此女子就學者、實繁有徒、而女界之人材、亦勃然興矣。厥後養師母以身弱、回國休息、養牧亦繼往澳大利亞新金山等處布教、其精心毅力、殊足令人永矢弗諼也。按基督教在華開設女學、當推廈門爲最早、約在一八五〇年間云。

廈門開教巔末

一八四七年、施約翰牧師赴上海襄譯新舊約聖書、一八五三年回廈、偕施牧亞力山大、同心協力、進行傳教事業。先是租賃民房子廈

門之祖婆廟九龍崎脚、每日下午開堂講道、宣佈福音。尋遷至賣鷄巷、卽今之泰山堂也。未幾、有吳塗者、受神感召、悔罪皈主、領洗進教、爲廈門倫敦會初實之果、時一八五六年也。曾幾何時、蒙召歸天、葬于鼓浪嶼西人公塚。遺二子、長名平安、熱心事主、殷勤布道、可謂善繼志述事者也。從此恩光普照、得救人數漸增、教會振興氣象、亦日新而月異焉。一八六二年、議決分爲兩堂會集、乃擇地於關隘內街、庀材建築。是時地方民衆、少見多怪、疑心仇視、糾衆攔阻、蒙英領事照會地方官彈壓、幸未釀禍。是秋行落成典禮、會雖分二、而經濟與教治仍合爲一焉。一八七二年、壬申正月三日、同時按立黃承宜爲泰山堂牧師、林貞會爲關隘堂牧師。黃君天年不永、竟於一八七八年、天父賜其息勞、而進主宴樂。時泰

山教會猶羊無牧、不得不商請林牧兼理。然以會務紛繁、獨力難支、爰議決於一八八一年、投票選舉牧師、周之德君當選、預備承補牧師之缺、于一八八三年春、按立授職。周牧任泰山堂職多年、頗費心力、宣佈福音、教會漸見起色。一八九六年、周牧割愛廈門、專心努力於汀州傳教事業。越年、票選周之楨君繼牧師任、一八九七年、行按立式。居八載、應金門沙西教會之聘、泰關教會又合爲一矣。查自一九〇九年至一九一五年、凡七寒暑、其重要問題、當以牧師人選爲最難、大有穡多工少之嘆。周牧蒿目時艱、與汀州公會商議、分工來廈兼理、計三年有六月。嗣經堂議會決議、簽選牧師、陳令典君當選、復請莊垂青牧師襄理教治。一九一三年、票選陳秋卿牧師、補授鼓堂職。時林貞會牧師已垂垂老矣、爰定一九一

五年、九月十八日、行盡程典禮、頗極一時之盛。乃議決陳令典牧師駐守關堂。陳牧授職未久、堅請離任、就新嘉坡教會聘。自是厥後、泰關二堂、歷年僅請傳道師主講而已。一九二二年、海滄支會、勉成爲自理自養堂會、猶恐力量尙未充實、繼續補助五年、遞年扣減若干成、至自立爲止、幸喜漸進完全、無所阻礙。初鼓堂自請分爲堂會、經多年攷慮、及一九二六年、互相諒解、鼓堂會於以成立。而泰關二堂合一堂會、因人數不滿二百、經濟時形支絀、對於牧師人選、多年延擱、歷屆區會舉派會正主持秩序、而長執尙能維持、會務藉以不墜。迨一九三三年、三月十二日、公聘王宗誠君爲泰關牧師、經廈區特會同行按立典禮。惟關堂與東嶼支會、尙乏人幫理教治、爲可憂也。